

## TILSKIPUN EVRÓPUÞINGSINS OG RÁÐSINS 1999/3/EB

2001/EES/57/21

frá 22. febrúar 1999

## um gerð skrár í bandalaginu yfir matvæli og innihaldsefni matvæla sem hafa verið meðhöndluð með jónandi geislun(\*)

EVROÞUÞINGIÐ OG RÁÐ EVRÓPUSAMBANDSINS  
HAFNA,

með hliðsjón af stofnsáttmála Evrópubandalagsins, einkum 100 gr. a,

með hliðsjón af tillögu framkvæmdastjórnarinnar <sup>(1)</sup>,

með hliðsjón af álitum efnahags- og félagsmálanefndarinnar <sup>(2)</sup>,

í samræmi við málsferðina sem mælt er fyrir um í 189. gr. b í sáttmálanum <sup>(3)</sup>, með hliðsjón af sameiginlegum texta sem sáttanefndin samþykkti 9. desember 1998,

og að teknu tilliti til eftirfarandi:

Í 1. og 2. mgr. 4. gr. tilskipunar Evrópuþingsins og ráðsins 1999/2/EB frá 22. febrúar 1999 um samræmingu laga aðildarríkjanna að því er varðar matvæli og innihaldsefni matvæla sem hafa verið meðhöndluð með jónandi geislun<sup>(4)</sup>, hér á eftir nefnd „rammatilskipunin“, er kveðið á um samþykkt skrár yfir matvæli sem heimilt er að meðhöndla með jónandi geislun og engin önnur. Skráin skal samin í áföngum.

Þurrkaðar ilmjurtir, meðal annars krydd, eru oft mengaðar og/eða smitaðar lífverum og umbrotsefnum þeirra sem eru skaðleg fyrir heilsu manna.

Ekki er lengur unnt að meðhöndla slíka mengun og smitun lífvera með svæluþefnum eins og etýlenoxíði sakir hugsanlegra eitruverkana af völdum leifa þeirra.

Jónandi geislun er skilvirk aðferð í stað fyrrnefndra efna.

Vísindanefndin um matvæli hefur viðurkennt þessa meðhöndlun.

Fyrrnefnd meðhöndlun stuðlar þar af leiðandi að verndun almannaheilbrigðis.

SAMÞYKKT TILSKIPUN ÞESSA:

1. gr.

1. Með fyrirvara um skrá bandalagsins, sem ber að semja í samræmi við annan undirlit 3. mgr. 4. gr. rammatilskipunarinnar, er með þessari tilskipun tekin saman fyrsta skrá bandalagsins yfir matvæli og innihaldsefni matvæla, hér á eftir nefnd „matvæli“, sem er heimilt að meðhöndla með jónandi geislun ásamt leyfilegum hámarksskömmtum til þess að ná því marki sem stefnt er að.

2. Aðeins er heimilt að meðhöndla umræddar afurðir með jónandi geislun í samræmi við ákvæði rammatilskipunarinnar. Einkum ber að beita prófunaraðferðum í samræmi við 3. mgr. 7. gr. rammatilskipunarinnar.

3. Matvælin, sem er heimilt að meðhöndla með jónandi geislun, og hámarksheildarskammtur, sem gefinn er að meðaltali, eru talin upp í viðaukanum.

2. gr.

Aðildarríkjnum er óheimilt að banna, takmarka eða koma í veg fyrir markaðssetningu matvæla, sem eru geisluð í samræmi við almenn ákvæði rammatilskipunarinnar og ákvæði þessarar tilskipunar, á þeim forsendum að þau hafi verið meðhöndluð með þeim hætti.

3. gr.

Breytingar á þessari tilskipun skal gera í samræmi við málsmeðferðina sem mælt er fyrir um í 100. gr. a í sáttmálanum.

4. gr.

Aðildarríkin skulu samþykkja lög og stjórnsýslufyrirmæli til að fara að tilskipun þessari þannig að heimilt sé að markaðssetja og nota geisluð matvæli sem eru í samræmi við tilskipun þessa eigi síðar en 20. september 2000.

Þau skulu tilkynna framkvæmdastjórninni um það.

Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þær eru birtar opinberlega. Aðildarríkin skulu setja nánari reglur um slíka tilvísun.

(\*) Þessi EB-gerð, sem birtist í Stjtið. EB L 66, 13.3.1999, bls. 24, var nefnd í ákvörðun sameiginlegu EES-nefndarinnar nr. 12/2001 frá 23. febrúar 2001 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn. Sjá EES-viðbæti við Stjórnartíðindi Evrópubandalaganna nr. 22, 26.4.2001, bls. 5.

<sup>(1)</sup> Stjtið. EB C 336, 30. 12. 1988, bls. 7 og Stjtið. EB C 303, 2. 12. 1989, bls. 15.

<sup>(2)</sup> Stjtið. EB C 194, 31. 7. 1989, bls. 14.

<sup>(3)</sup> Álit Evrópuþingsins frá 11. október 1989 (Stjtið. EB C 291, 20. 11. 1989, bls. 58). Sameiginleg afstaða ráðsins frá 27. október 1997 (Stjtið. EB C 389, 22. 12. 1997, bls. 47) og ákvörðun Evrópuþingsins frá 18. febrúar 1998 (Stjtið. EB C 80, 16. 3. 1998, bls. 133). Ákvörðun ráðsins frá 25. janúar 1999. Ákvörðun Evrópuþingsins frá 28. janúar 1999.

<sup>(4)</sup> Stjtið. EB L 66, 13. 3. 1999, bls. 16.

*5. gr.*

Tilskipun þessi öðlast gildi á sjöunda degi eftir að hún birtist í *Stjórnartíðindum Evrópubandalaganna*.

*6. gr.*

Tilskipun þessari er beint til aðildarríkjanna.

Gjört í Brussel 22. febrúar 1999.

*Fyrir hönd Evrópuþingsins,*

J.M. GIL-ROBLES

*forseti.*

*Fyrir hönd ráðsins,*

K.-H. FUNKE

*forseti.*

---

*VIÐAUKI***MATVÆLI SEM ER HEIMILT AÐ MEÐHÖNDLA MEÐ GEISLUN OG HÁMARKSGEISLASKÖMMTUM**

Matvælaflokkur	Hámarksheildargeislaskammtur sem ísogast að meðaltali (kGy)
Þurrkaðar ilmjurtir, meðal annars krydd	10